

INVICTAE MEMORIAE
AMBROSII
MARCHIONIS
SPINOLAE
CARMEN
PAULI PIRANI
PISAVRENSIS.



ROMAE,

Ex Typographia Francisci Corbelletti. MDCXXX.

SVPERIORVM PERMISSV.

Imprimatur , si videbitur Reuerendis. P. Magistro Sacri Palatij Apost.

A. Episc. Bellicastren. Vicefg.

Imprimatur.

**Fr. Raphael Vicecomes Socius Reuerendis. P. F. Nicolai Riccardij Sacri
Palatij Apostolici Mag. Ord. Przd.**

CARMEN.



O C. quoque chara tuis respondet
cladibus actis,
Portenditq. nouas (Deus ò melio-
ra) futuras:
Italia: heu miseram! dudum quæ
fræna tenebas
In populos; populos fati quos or-
do maligni.

Imperijs decorat nostris, & sustinet vltro.
Seruitio premeris? veteres iam mitte dolores.
Spinola Catholicis victor sanctissimus armis
Spinola & ille tuæ immortalis gloria gentis,
Et pius, & felix: idem pars optima nostri
Occubuit. quas Musa Duci persolueræ laudes,
Quas Italo lacrymas debes? quæ carmina? nonne
Digna nouæ stimulant mentem argumenta querelæ?

Scis ubi perpetuo confundat murmure gentes,
Atque repentina disperdat strage propinquas,
Oceanus; cum seuæ urget violentia venti.
Nec timet audacis constructa repagula gentis
Nulla iuuant obiecta fero impedimenta; nec ullis
Frænatur vinclis rabies effusa, profundi
Carceris impatiens: claustris se fundit apertis
Inuadens latè populos, Vrbesque, Domosque.
Intercepta bouum pereunt armenta, ouiumque
Vnde trahit populus vitæ solatia, foetus,

A 2

Et

Et super hæc nulli, qui plorent damna, supersunt.

*Est ne antiqua Maris natura; aut poena superbae
Gentis, ut in tuta non unquam sede quiescat?*

*Namque alias sine vi; sine ferro, usuque laboris
Mole sua pertæsus humum Neptunus, ad altas,
Quas prius obtinuit, damnato errore cauernas
Sponte redit: varij præbens miracula motus.*

Tum noua subductis existunt fluctibus arua.

*Hinc sua damna gemit vilis piscator halecis,
Et dolet angusto frænatum margine Pontum:
Quà nunc pastor oues herbofo gramine pascit.
Sic mare quam rapuit, mutando, restituit rem:*

*Hic olim populi vario sub nomine dicti
Consedere: omnes uno nunc nomine dicti
Gens Hollandensis furtis male fida marinis:
Fama tamen bello validam iactauit inanis.*

*Dic age Musa feri causas, et tempora belli.
Quæ laribus deducta suis generosa iuuentus,
Quæ manus Ausonidum Regis mandata secuta
Maxima, in infaustos traxerunt agmina campos,
Heu quàm rara domum laceris reditura manipulis!
Pars ferro; pars igne cadit: pars hausta lacunis
Ast alios crudelis hyems. quis dicere possit
Ut pereant, tolerantque homines incommoda belli?*

*Vos animæ: quas pulcher honor: quas ardua virtus,
Ac pietatis amor longinquos misit in hostes
Debita seruentur meritis hinc præmia vestris.*

*Tuque aded duplicis Regnator Maximus Orbis
Cuius in amplexu medio, intemerata recumbit*

Sancta

*Sancta Fides ; quæ sola tuos prouexit honores .
 Aspice ad Ausoniæ famulantia pectora pubis ;
 Cui licet auriferi pateant araria Mundi
 Nulla ferent æquata bonis stipendia factis .*

*Vel genus humanum studijs fatalibus actum
 In pugnas coïssse uolet ; vestigia tanti
 Sanguinis ut releget ; memorans mirabitur usque
 Posteritas : vel sæpè tuos Trasymene furores ,
 Aut fera Cannensis flagrasse incendia pugnae .*

*Anne soli ingenium , cinctumque paludibus : unde
 Vis hostilis abest , iam tot delusa per annos ?
 An populus quàm mente ferox , tam prouidus arte
 Longæuos docuit bellum deducere in annos :
 Spernere Maiorem , munitis Urbibus , hostem ,
 Et circumpositos iurare in fœdera Reges ?*

*Magna diù confixa suis Antuerpia Gallis
 Pertulit Hispanum dura obsidione prementem .*

*Ipsa etiam , extremo licet oppugnata furore
 Viribus ausa suis : aliorum stragibus audax
 Traxit in octauum suprema pericula mensem .
 Ah feret infelix magnas Arlema ruinas ,
 Nec tamen ambiguo longi cadet omine belli .*

*Iam cunctis excussa opibus ; iam victa malignis
 Leyda pendebat fatis . Spes omnis adempta .
 Seu munire nouo tentaret milite muros ,
 Quo conferre manum ; quem ducere posset in hostem ,
 Seu velles alimenta breuis summittere vitæ .
 Nam vigil Hispanus castellis undique crebris
 Cinxerat ; & victam credit Valdesius Urbem .*

*Scilicet Oceanus confrato litore in ipsos
 Undique laxatis campos se immittit habenis;
 Urget in abruptum, scinditque canalibus arua:
 Quem prius obiectis clauferunt molibus altis,
 Hunc modo sollicitant disiectis molibus ultro.
 Ecce Hispanus aquis subito circumdatur altis,
 Et naues hæfere locis, ubi castra fuere:
 Leyda subsidijs seruatur leta receptis.*

In rabiem hæc versa præstant miracula turbæ!

*Hæc solitus versare animo; magnisque subinde
 Spinola, consilijs diuinam accendere mentem.*

*Suspicit Albani facta; et memoranda fatetur.
 Importuna tamen: monitisque incepta sinistris.*

*Primus ad excidium belli Rechesennius arte
 Intendit summa: pelagum, portusque potiri,
 Sed fortuna bonis raro fit prospera captis.*

*At tua se magnis æquasset vita triumphis,
 Austriadum germen: palmis cumulate decoris
 Cesare præstanti fulgens genitore Ioannes!
 Arma quidem iam nulla sibi sectanda fuisse
 Sensit et extinctis arceri bella tyrannis,
 Ni festina tuos celerasset gloria Manes.*

*Vt te conspexit vultu, ac pietate decorum
 Te celebrem fama tantarum munere laudum:
 Sospite quo Magni vicerunt sceptræ Philippi:
 Maxime Alexander: Farnesi Maxime: summum
 Italieque decus. Romani culmen honoris.*

*Fama est: Ambrosium generoso corde volentem
 Auspicijs hæfisse tuis. Te cernere dignum,*

Cuius

Cuius & ipse pari veniens imitator amore,
 Clarus ab Ausonia bellator surgeret Vrbe.
 Qualis ubi magni virtus inclusa leonis
 Viderit obiectum præstanti corpore taurum
 Natiuas sentit vires; seque excitat ultro.
 Et fremit ille ferox; & plorat inutile robur.

Tertia flammiuomis obsessam turribus Aestas
 Viderat Ostendam. magno quam robore gentes
 Omnigenæ circum, diuisa per agmina, finem
 Expectant, duri redeat si forte laboris,
 Namquæ tot una viris, tantisque Ostenda dedisti
 Funera, qui populos Auroræ vincere possent.
 Quippe super tumulos, nautarum sudor, arenæ
 Struxerat exiguas, & parui culminis ædes:
 Nil nisi ut arcerent nocturni frigora cæli,
 Et caperent parcum torpentia membra soporem.
 Nulli cingebant muri. non arcibus ullis
 Munierant, dum pace licet gaudere secunda.
 Litorâ sed rumpens immixtis fluctibus æquor
 Fusas stagnarat circum; quasi tristia bella
 Innuat; armato complendas milite, terras.
 Inconcussa globis stant propugnacula: at ignes
 Arcet vibratos Neptuni cura propinqui.
 Non alibi tanto arserunt elementa duello:
 Vix alibi in tantos homines arsere furores.
 Sanguineus paruo geritur de pulvere ludus.
 Quod tandem populi fuerit vis fracta rebellis,
 Et furor extinctus: rabies quod sæua ferarum
 Cesserit in cacas ultro conclusa cauernas:

Quod

*Quòd nostri defessi animis ; longoque repulsi
 Tempore sperarint Ostendam vincier armis,
 Hoc tua perfecit , Lygurum fortissime, virtus.*

*Talia pugnaces vexarunt tædia Graios ;
 Pergama iuratis postquam tot Numina votis
 Descendunt ; furtique volunt rata iura nefandi,
 Vel piget æterno dextram impendisse labori,
 Vel terrent crebris Troiani cædibus acres.*

*Nam pudor , & virtus & primæ spiritus iræ ,
 Ceu nubes terrore minax , at fulminis expers
 Frangitur in sonitum vacuas resoluta per auras ,
 Occulti fugere noua formidine mersi
 Ipse minus sperat , totam qui Ductor in arma
 Hellada commouit primus, patriasque Mycænas,
 Ille etiam qui regna suos sociauit in usus ,
 Traxit & ultores priuata in vulnera reges :
 Nunc animo voluens incerta pericula Martis
 Despiciit uxorem fugiens Menelaus amatam .
 Hæc eadem Nestor tacito sub pectore mussat :
 Consciis at subito , materna fraude latentem
 Subsidium fessis ; acciri iussit Achillem .*

*Quis neget Ostendæ fossis dum fideret altis ,
 Solaque perpetui iuraret in omina belli :
 Ambrosium strauisse caput ? mirabile dictu !
 Se, velut Herois percussus imagine tanti,
 Tum Pater Oceanus medias reuolutus in undas
 Composuit , placidusque suo se proluit aluco .
 O uirtus elementa domans , & fortior undis !
 Ergo operæ insurgunt uario molimine fossas*

Obruere

Obrueret, atque sinus Urbis penetrare latentis,
Terreaque humentes exsiccat massa paludes.
Iam nulli patuere aditus. quos machina lignis
Structa catenatis, æstus complexa marinos
Impedit; & fluitat medijs immota procellis,
Nil Bataui fecere: dolor quos intimus urget
Præcipites; ferro, aut coniectis perdere flammis.

Ast ubi fessa videt, postremos affore casus,
Haud multos mansura dies Ostenda; fatetur
Insolitam rerum curam; studioque recentis
Arma Ducis meliore regi. Tum prona rebelles
Exiit aspectus, & Regis numen adorat.
Urbis quid taciti transimus nomina victæ?
Ergo Ostenda tuam, quod toti ostenderit Orbi
Spinola, virtutem æterno signabitur ævo.

Protinus inde aliæ demissis fascibus urbes.
(Nullus quippe vetat pudor; ut videre cadentem
Publica quæ magno versabat cardine fata)
Victorem sensere suum: pronisque subire
Sceptra parant animis iamdudum excussa Philippi.

Hinc decimo lynchenna die: quam Militis ingens
Defendit numerus, triplici fortissima vallo.
Quinetiam auxilijs magis opportuna suorum:
Nulla, sed Hispanos statio uicina fouebat,
Panditur, & Phrysiæ facilis dat iura domandæ.
Hæc autem Ambrosius; dum forte rediret ab Aula
Hispana; haud dubiè facturum dixerat antè
Gallorum Regi. Rex magna pericula mensus,
Vel nihil omnino; dubius uel credidit. ergo

Quam

*Quam caperet , maiora quidem, Rex tantus in armis.
Prænsabat fortuna Ducis tunc incluta nostri .*

*Sed liceat miranda breui consumere versu
Prælia ; nec tacitis deerit reuerentia factis .*

*Non ego te , duplici quamuis asserta labore ,
Ambrosij ; nunc Grolla moror , nunc facta rebellis .*

*Tu Rimberga mane , celeri expugnata triumpho :
Et patere abduci Bredana ad moenia carmen
Breda resurgentis faustissima tessera lucis
Breda salutiferi plausus non ultimus Anni ,
Ultimaque Ambrosij clarorum meta laborum .
Hic ubi conspicuæ clarent miracula famæ ,
Non hominum numerosa phalanx ; non impetus audax ,
Nec teres ignitos mittit quæ machina folles ,
Aut quæ plumbifero vastabit grandine muros ,
Res agit . impavidus stabat spectator ab altis
Turribus ; ac magno veluti lapsura pudore
Nostri iussa Ducis ; vesano murmure miles
Risit ab augurijs pascens sua gaudia fictis .
Quippe altos muros videt . & cingentia muros
Flumina : & hæc circum stant propugnacula longi
Temporis . Hanc Urbem fouit magis omnibus unam :
Tradidit , & gnato Ductor Mauritius uni ,
Qui iura , & gentis titulos seruaret auitos .
Sed poenas Hispanæ dabis , cum frigore campi
Horrebunt gelidi ; ac liquefacti examina Cali
Ipsa procellosi obruerint tentoria venti .
Infausto rapiere Duci . te fallit inanis
Quam iactas miseri tumidus patientia belli .*

Iste cuius magna expugnator Spinola Brædæ,
 An solitos anni casus : an Belgica cæli
 Sydera seruaui? patria num callidus arte
 Condidit pretio ventos, hyemisque furores?
 Nec silet auxilio venturas undique gentes.
 Anglus ut eterno Batauis non desit amori:
 Scotus ut addictum seruet mercede laborem
 Germani, queis sacra placent contraria nostris,
 Siue quod Hispanus nulli iam displicet hostis.
 Et tua fulmineis venerunt agmina dextris
 Galle: sed innocuis animis, & Marte benigno
 Bella placent: nec tantus amat stipendia sanguis.
 Hic ego non victas hyemes, non agmina victa,
 Nec quæ multa tulit decimi usque ad tædia mensis
 Ambrosius; tentasse velim describere. Verum
 Quod notum est populis, tenui sub voce lateret
 Occultum. fas est carmen succumbere rebus.
 Hoc tamen Ambrosio clarum dat Breda trophœum,
 Quod nunc lata suum veneratu rlibera. Regem.
 Hæc vobis, si magna, Viri, si summa videntur,
 Dicite. quid? doleo. Multò maiora potestis
 Discere iacturis postquam discessit ab ipsis.
 Sed iam chara decet nostros inuisere casus,
 Italia. heu quantus menti se se ingerit horror!
 Quassatam te longa trahit fors pessima bellis,
 Te funesta lues infanda strage flagellat:
 Barbarus hinc damnis populatur miles acerbis
 In tua rixantes coniurant viscera reges,
 Nec media grassante abigunt certamina peste.

Quidvè

*Quidè Duces memorem non digna sorte peremptos?
 Nullus at hæc nostram tentet contemnere sortem.
 Sint equidem magnæ: sed amici Numinis iræ.*

*Ista tamen quamvis extremis proxima: nondum
 Desierant meliore frui dulcedine fati
 Spinola dum vixit. Causas cognosce futuri
 Certa mali: rerum solus momenta tuarum.
 Ille tulit moriens: armorum plenus honore:
 Quid noua quæsitæ tentare pericula famæ?
 An Batauos olim qui flexerat obluclantes
 Aspera ut in placidam mutarent prælia mentem:
 Magnarum Interpret rerum: qui dona beatæ
 Pacis ad extremum terrarum sparserat Orbem
 Pacis & ille bonum patriæ, Italiæque negarit?
 Hoc vitium est vulgi miserabile! velle repente
 Quod velit. ambiguos nequicquam expendere casus.*

*Tu verò Aethereis (pietas sic suadet, ac ipsa
 Relligio sanctos non oblitura labores.
 Sic animi documenta piæ: moresque benigni
 Iustitiæque tenax, & amicū pectus honesti)
 Sedibus Aethereis, Cælique recepte serena,
 Qua datur Heroum meritis regione potiri
 Aeternū frui: & magnis exercita curis
 Pacifero æternū somno Mens viua quiesce.
 Sat Belgis, Italisque datum. sat Cæsar; & omnis
 Ausriadum generosa Cohors tibi Spinola debent.*

F I N I S.